


加3
1203
12



明
加
1203
12



喻林一葉卷十三

江陰 王蘇儕嶠刪纂

君道門

履運

運陰陽而緯武

晉書涼武昭王傳運陰陽而緯武應變之道如
神吞日月以經天成物之功若歲

連光接鏡

唯本一葉卷十三
晉書赫連勃勃紀如彼日月連光接鏡

山岳題地

梁書武帝上紀夫日月麗天高明所以表德山岳題地柔博所以成功

披金繩

南史齊本紀上披金繩而握天鏡開玉匣而總地維

旋斗運樞

易林謙之觀旋斗運樞順天無憂

日出温谷

易林履之困日出温谷照臨萬國

日正于天

太元經第一中日正于天貴當位也

麟龍發足

藝文類聚儲官部魏卞蘭贊述太子表譬若麟龍發足羣獸追蹤高鳳舉翼衆鳥隨風

日圓盈尺

太平御覽天部三上尸子日圓盈尺光滿天下
聖人居高明燭彌綸六合

修德

棟莫如德

國語魯重莫如國棟莫如德

闔門固根

越絕外傳計倪夫仁義者治之門士民者君之

根本也闔門固根莫如正身

以稷契爲筋力

後漢書黃瓊列傳唐堯以德化爲冠冕以稷契
爲筋力

丹青在山

管子小稱丹青在山民知而取之美珠在淵民
知而取之

王鈇

鷓冠子博選王鈇非一世之器者厚德隆俊也
堯無膠漆

韓非子安危堯無膠漆之約于當世而道行舜
無置錐之地于後世而德結

黃帝誨顓頊

呂氏春秋序意嘗得黃帝之所以誨顓頊矣爰
有大圜在上大矩在下汝能法之爲民父母
水廣者魚大

淮南說山訓水廣者魚大山高者木修

天門大開

太元經第四廓天門大開恢堂之階

日常其德

太元經第四常日常其德三歲不食

靈囊大包

太元經第六馴靈囊大包其德珍黃

黃心在腹

太元經第六養黃心在腹上德天也

敬畏

墻有耳

管子君臣下墻有耳者微謀外泄之謂也

齊宣王問弋

韓非子外儲說右上齊宣王問弋于唐易子曰
弋者奚貴唐易子曰在于謹廩

完如金城

意林太公金匱慎終與始完如金城

松生于棟

藝文類聚帝王部陶唐氏符子堯曰余坐華殿
之上森然而松生于棟余立櫺屏之內霏焉而
雲生于牖

冠銘

困學紀聞卷二十雜識傅元冠銘曰居高無忘
危在上無忘敬懼則安敬則正

廣大

椒氣遠長

鄭氏箋詩椒聊椒之氣日益遠長似桓叔之德
彌廣博

渾四游

宋書顏延之傳渾四游而幹五緯天道宏也振
河海而載山川地道厚也一情紀而厚流貫人
靈茂也

薦草多衍

管子八觀薦草多衍則六畜易繁也

江海無爲

文子自然古之善爲君者法江海江海無爲以
成其大

江河合水

莊子則陽江河合水而爲大人合并而爲公

山小無獸

武侯十六策陰察山小無獸水淺無魚樹弱無巢

夜舉燈燭

論衡須訟篇夜舉燈燭光曜所及可得度也日照天下遠近廣狹難得量也

東海廣且深

曹子建當欲遊南山行東海廣且深由卑下百川

五岳巍峩

抱朴博喻五岳巍峩不以藏疾傷其極天之高滄海滉漾不以含垢累其無涯之廣

乾坤陶育

抱朴博喻乾坤陶育而庶物不識其惠者由乎其益無方也

繁林鬱蒼

抱朴博喻繁林鬱蒼則羽族雲萃元淵浩汗則

鱗羣競赴

山不厭高

魏武帝短歌行山不厭高海不厭深周公吐哺
天下歸心

端尚

國亦有染

呂氏春秋當染墨子見染素絲者而嘆曰○非
獨染絲紗也國亦有染舜染干許由伯陽禹染

于臯陶伯益湯染于伊尹仲虺武王染于太公
望周公旦

五穀養性

陸子述事五穀養性而棄之于地球玉無用而
寶之于身故舜棄黃金于嶄崑之上禹捐珠玉
于五湖之淵

蘭蕙荃蘅

藝文類聚禮部曹植藉田論蘭蕙荃蘅植之近

疇此亦寡人之所親賢也

金粟兩生

太平御覽百穀部粟商鞅書粟十二石生于境內金一兩死于境外○國好生粟于境內則金粟兩生倉府兩實國強

金玉滿堂

太平御覽珍寶部寶阮子雖金玉滿堂明珠滿室飢不爲寶非國之用

金翅氏

太平御覽羽族部金翅鳥符子曰晏嬰謂景公曰臣聞琬琰之外有鳥焉曰金翅氏謂爲羽豪其爲鳥也非龍肝不食非鳳血不飲

仁厚

善御不忘馬

淮南繆稱訓善御者不忘其馬善射者不忘其弩善爲人上者不忘其下

二白璧

新序雜事四臣之家有二白璧其色相如也其
徑相如也其澤相如也然其價一者千金一者
五百金王曰何也朱公曰側而視之一者厚倍
是以千金王曰善

君子秉斗

太元經第三親次六厚厚君子秉斗測曰厚厚
君子得人无疆也

景公探爵鼗

太平御覽禮儀部賀晏子景公探爵鼗弱故反
之晏子逡巡再拜賀君有聖人之道矣

童牛不服

太平御覽人事部仁惻周公曰文王在鎬召太
子發曰吾語汝童牛不服童馬不馳是謂大仁

麟肉角

埤雅麇麟肉角鳳肉味皆示有武而不用也

被銘

困學紀聞卷二十雜識傳元被銘曰被雖温無忘人之寒無厚于己無薄于人

精誠

君子其猶射

文子精誠精之所動若春氣之生秋氣之殺故君子者其猶射者也于此豪末于彼尋丈矣
兆龜數著

關尹子四符譬猶兆龜數著至誠自契五行應之

操柄

水能浮草木

吳越春秋水能浮草木亦能沈之

百人輿瓢

戰國策秦昭襄王百人輿瓢而趨不如一人持而走疾

靖郭君懷刷

韓非子內儲說下靖郭君相齊與故人久語則故人富懷左右刷則左右重

獨斷

與狐謀裘

事文類聚司徒符子魯侯欲以孔子爲司徒將召三桓議之○左邱明日亦與狐謀裘與羊謀羞哉

用衆

衆心成城

國語周衆心成城衆口鑠金

用人若蚡

文子上德善用人者若蚡之足衆而不害若舌之與齒堅柔相摩而不相敗

取衆白

呂氏春秋用衆天下無粹白之狐而有粹白之

裘取之衆白也

黃帝生陰陽

淮南子說林訓黃帝生陰陽上駢生耳目桑林生臂手此女媧所以七十化也

百梅百人酸

淮南子說林訓百梅足以爲百人酸一梅不足以爲一人和

力于彭祖

說苑尊賢介子推行年十五而相荆仲尼聞之使人往視還曰廊下有二十五俊士堂上有二十五老人仲尼曰合二十五人之智智于湯武并二十五人之力力于彭祖以治天下其固免矣

百柱載梁

易林井之萃百柱載梁千歲不僵大願輔福文武以昌

目察天際

徐幹中論虛道目也者能遠察天際而不能近見其背

華袞燦爛

抱朴博喻華袞燦爛非隻色之功嵩岱之峻非一簣之積

南溟引朝宗

抱朴務止南溟引朝宗以成不測之深元圃崇

木石以致極天之峻大厦凌霄賴羣棟之積輪曲轅直無可闕之物

崇臺非一幹

盧諶答魏子悌詩崇臺非一幹珍裘非一腋

山木茂盛

選註王元長策秀才文詩械樸註毛萇曰山木茂盛萬人得而薪之

一竈五突

太平御覽居處部竈魯連子曰一竈五突烹飪
十倍分烟者衆

從諫

冰炭不言

晉書王沈傳冰炭不言而冷熱之質自明者以
其有實也

以椎毀鐘

呂氏春秋自知百姓有得鐘者欲負而走則鐘

大不可負以椎毀之鐘况然有音恐人聞之而
奪已也遽掩其耳

土負水者平

說苑正諫土負水者平木負繩者直君受諫者
聖

寤口若羹

天祿閣外史寤口之言若羹寤心之言若冰

審聽

必智而壽

韓非顯學今或謂人曰使子必智而壽○以仁義教人是以智與壽說人也

白所以爲堅

呂氏春秋別類相劍者曰白所以爲堅也黃所以爲剝也黃白雜則堅且剝良劍也難者曰白所以爲不剝也黃所以爲不堅也黃白雜則不堅且不剝也

爲甲裳以帛

呂氏春秋去尤邾之故法爲甲裳以帛公息忌謂邾君曰不若以組○邾君以爲然○公息忌知說之行也因令其家皆爲組人有傷之者○邾君不說○令官爲甲無以組

貴謙

江海處下

王弼易註損江海處下百谷歸之履尊以卑則

或益之矣

百川發源

隋書天文上志百川發源皆自山出由高趣下歸注于海

水以爲都居

管子水地卑也者道之室王者之器也而水以爲都居準也者五量之宗也素也者五色之質也淡也者五味之宗也

土處下

淮南原道訓土處下不爭高故安而不危

貴公

水鏡無私

蜀志李嚴傳註水鏡無私

天地至公

魏書劉潔傳天地至公故萬民咸育帝王無私而黎民戴賴

天下皆春

鶡冠子環流斗柄東指天下皆春斗柄南指天下皆夏斗柄西指天下皆秋斗柄北指天下皆冬斗柄運于上事立于下

四時殊氣

莊子則陽四時殊氣天不賜故歲成五官殊職君不私故國治

甘露時雨

呂氏春秋貴公陰陽之和長一類甘露時雨不私一物

堯有子十人

呂氏春秋去私堯有子十人不與其子而授舜舜有子九人不與其子而授禹至公也

庖人調和

呂氏春秋去私庖人調和而弗敢食故可以為庖

夏不衣裘

呂氏春秋有度夏不衣裘非愛裘也爰有餘也
冬不用簞非愛簞也清有餘也

衡平無私

說苑談叢鏡以精明美惡自服衡平無私輕重
自得

春風朝煦

陸機演連珠春風朝煦蕭艾蒙其温

貴因

王者隨天

後漢書郎顛列傳王者隨天譬猶自春徂夏改
青服絳者也

放魚于木

文子自然不放魚于木不沈鳥于淵

敵白者堊之

尉繚子武議望敵在前因其所長而用之敵白

者望之赤者赭之

如秦者立而至

呂氏春秋貴因三代所寶莫如因○如秦者立而至有車也適越者坐而至有舟也

因夏為暑

呂氏春秋任數因冬為寒因夏為暑君奚事哉

沙用鳩

呂氏春秋慎勢水用舟陸用車塗用輶沙用鳩

山用輶因其勢也

種麥得麥

呂氏春秋用民種麥而得麥種稷而得稷人不怪也

因水為師

淮南原道訓禹之決瀆也因水以為師神農之播穀也因苗以為教

因高為臺

淮南說山訓因高而爲臺就下而爲池

行遠者假于車

鹽鐵論貧富行遠者假于車濟江海者因子舟
埏埴而爲器

淮南泰族訓埏埴而爲器翳木而爲舟鑠鐵而
爲刃鑄金而爲鐘因其可也

以火爇井

淮南修務訓以火爇井以淮灌山此用已而背

自然

射者因勢

鹽鐵論大論射者因勢治者因法

生因春

黃帝素問生因春長因夏收因秋藏因冬

循理而割

道德經指歸因節而折循理而割

貴信

春之德風

呂氏春秋貴信春之德風風不信其華不盛○
夏之德暑暑不信其土不肥○秋之德雨雨不
信其穀不堅○冬之德寒寒不信其地不剛

貴一

其解在水

管子水地聖人之化世也其解在水故水一則
人心正水清則民心易○是以聖人之治于世

也不人告也不戶說也其樞在水

天子必執一

呂氏春秋執一天子必執一所以搏之也一則
治兩則亂今御驪馬者使四人人操一策則不
可以出于門閭者不一也

貴密

屋漏在上

論衡答佞篇屋漏在上知者在下

法鑒

照鏡見眸子

淮南說山訓夫照鏡見眸子微察秋毫明照晦冥

思危

齊桓公出游

韓詩外傳桓公出游遇一丈夫衰衣應步帶著桃及桓公怪而問之丈夫曰是名二桃桃之為

言亡也○人之戒在于桃及

舟非水不行

藝文類聚舟車部舟家語舟非水不行水入則舟沒

戒察

衡以隱聽

太平御覽皇王部叙皇王上蘇子曰天子坐九重之內樹塞其門旒以翳明衡以隱聽鸞以抑

馳

戒侵

書如史籀

徐幹中論務本今使人君視如離婁聰如師曠
御如王良射如夷羿書如史籀計如隸首○何
益于治乎

戒侈

崇臺霄峙

晉書赫連勃勃紀崇臺霄峙秀闕雲亭千榭連
隅萬閣接屏

寸管無當

晏子春秋諫下寸之管無當天下不能足之以
粟○五尺童子操寸之烟天下不能足以薪
川源不能實漏卮

鹽鐵論本議川源不能實漏卮

戒滿

釜鼓滿

管子樞言釜鼓滿則人概之人滿則天概之

滿者洫之

管子小稱滿者洫之虛者實之

勝老人中人

呂氏春秋慎大趙襄子勝翟勝老人中人使使者謁之襄子方食搏飯有憂色

虛懷

轂中有孔

河上公註老子無用轂中有孔故衆輻共湊之王者得其百歡心

道德經四子集解文子問曰王者得其百歡心爲之奈何老子曰若江海卽是也淡乎無味用之不旣先小而後大

江海善下

道德經註疏江海善下

翰林一葉卷十三

翰林一葉卷十三

三

